

Lus Taw Qhia Txog Tus Kab Mob COVID-19

Txhawm rau kom txo tau qhov kev sib kis ceev zuj zus ntawm cov neeg muaj tus kab mob COVID nyob hauv peb lub xeev thiab xyuas kom meej tias cov tsev kho mob thiab kev kho mob tseem ua tau zoo, peb tab tom siv cov kauj ruam nyuaj tab sis tseem ceeb los tiv thaiv txoj kev noj qab haus huv rau zej tsoom.

Peb lees paub qhov no yuav ua rau muaj kev txom nyem nyiaj txiag rau ntau cov lag luam thiab tus tswv xeev thiab cov neeg ua hauj lwm tau tshawb nrhiav txoj hauv kev los txo cov kev cuam tshuam.

- Txij thaum ib tag hmo rau Hnub Monday, Lub Kaum Ib Hlis Ntuj Tim 16 txog Hnub Monday, Lub Kaum Ob Hlis Ntuj Tim 14, tag nrho cov cheeb nroog hauv Washington rov qab mus rau cov kev txwv tau hais hauv qab no.

Cov kev hloov pauv kev txwv rau tag nrho cov cheeb nroog pib siv tau txij thaum ib tag hmo Hnub Monday, Lub Kaum Ib Hlis Ntuj Tim 16, tshwj tsis yog teev lwm yam uas tau teev tseg lawm. Yog tias qhov kev ua ub ua no tsis tau sau teev tseg, nws yuav tsum ua raws li nws cov kev taw qhia tam sim no. Cov kev kawm ntawv qib K-12/siab dua, kev saib xyuas kev noj qab haus huv, thiab kev zov me nyuam tau raug zam los ntawm cov kev txwv tshiab thiab yuav ua raws li kev taw qhia tam sim no. Cov kev txwv no tsis siv tau rau cov tsev hais plaub thiab kev hais plaub-cuam tshuam ntsig txog kev hais plaub ntug.

- 1. Cov Kev Sib Sau Ua Ke Nyob Rau Sab Hauv Tsev** nrog cov tib neeg nyob sab nraud tuaj uas tsis yog koj tsev neeg raug txwv tshwj tsis yog lawv (a) cais nyob tau kaum plaub (14) hnub ua ntej sib sau ua ke; los sis (b) cais nyob xya (7) hnub ua ntej kev sib sau ua ke thiab tau txais cov lus teb rau kev kuaj uas tsis pom muaj tus kab mob COVID-19 ntau dua 48-teev ua ntej kev sib sau. Ib tsev neeg yog txhais tias yog cov tib neeg nyob hauv tib lub tsev.
- 2. Cov Kev Sib Sau Ua Ke Nyob Rau Sab Nraum Zoov** yuav tsum txwv rau tsib (5) tus neeg tuaj sab nraud tuaj uas tsis yog koj tsev neeg.
- 3. Cov Khw Noj Mov thiab Chaw Haus Dej Caw** raug kaw rau cov kev pab cuam noj mov nyob sab hauv. Tso cai rau cov chaw noj mov sab nraum zoov thiab muab kev pab cuam thaum yus mus, kom txhua chaw noj mov sab nraum zoov yuav tsum ua raws li qhov yuav tsum tau ua ntawm Kev Taw Qhia Rau Kev Noj Mov Sab Nraum Zoov. Qhov loj me ntawm rooj noj mov rau sab nraum zoov yog txwv rau qhov coob kawg ntawm tsib (5) tus neeg. Cov kev hloov pauv rau kev txwv ntawm khw noj mov thiab chaw haus dej caw yuav siv tau txij li 12:01 teev ib tag hmo Hnub Wednesday, Lub Kaum Ib Hlis Ntuj Tim 18, 2020.
- 4. Cov Chaw Tawm Dag Zog thiab Cov Tsev Kawm Siv Dag Zog** raug kaw rau cov chaw ua nyob sab hauv tsev. Tso cai rau cov chaw tawm dag zog nyob sab hauv tab sis nce raws li thiab txwv los ntawm qhov kev txwv rau kev sib sau nyob sab nraum zoov uas tau teev tseg sab sauv.
- 5. Cov Chaw Cuam Pob Bowling** raug kaw rau cov kev pab cuam sab hauv tsev.

6. **Lwm Cov Chaw:** Txwv txhua cov rooj sib tham rau cov khw muag khoom thiab kev lag luam. Tsuas yog tso cai rau cov kev cob qhia kev ua hauj lwm thiab kev xeem ntawv uas tsis tuaj yeem ua nyob ncuu sib nruag deb, nrog rau tag nrho tsev hais plaub thiab kev hais plaub-cuam tshuam ntsig txog kev hais plaub ntug. Kev txais tau hauv txhua chav sib tham txwv tsis pub tshaj 25 feem pua ntawm kev txais tau nyob sab hauv tsev uas txwv tau los sis 100 tus neeg, seb qhov twg yog qhov tsawg dua.
 - Lwm qhov chaw suav nrog: cov chaw rau rooj sib tham loj/rooj sib tham nrab, chaw sib tham hauv tsev so, cov chaw ua xwm txheej, chaw muag khoom, thaj chaw ua kib las, cov koom haum tsis yuav paj ntsig tej chaw hauj lwm, los sis ntau qhov chaw zoo sib xws.
7. **Cov Chaw Saib Yeeb Yaj Kiab** raug kaw rau cov kev pab cuam sab hauv tsev. Tso cai rau cov chaw saib yeeb yaj kiab caij tshab nkag mus saib thiab yuav tsum ua txuas ntxiv raws li kev taw qhia ntawm kev tsav tshab nkag mus saib yeej yaj kiab tam sim no.
8. **Tsev Khaws Puav Pheej/Chaw Saib Tsiag/Chaw Saib Ntsees Qab Deg** raug kaw rau cov kev pab cuam nyob sab hauv tsev.
9. **Lag Luam Vaj Tse:** Txwv tsis pub qhib cov tsev.
10. **Kev Ua Tshoob thiab Kev Pam Tuag:** Cov kab kev yog txwv tsis pub muaj ntau tshaj 30 tus neeg. Txwv tsis pub muaj kev txais tos, tsa sawv, los sis sib sau ua ke zoo sib xws kev sib sau nrog cov kab ke sab hauv tsev.
11. **Cov Khw Muag Khoom Nyob Sab Hauv** yuav tsum tau txwv 25 feem pua ntawm cov neeg nyob sab hauv tsev uas txwv tau, thiab qhov chaw sib koom nyob ua ke/sib sau ua ke thiab chaw noj mov sab hauv tsev xws li kaw tsev muag zaub mov.
12. **Cov Kev Pab Cuam Kev Ntseeg** txwv 25 feem pua ntawm cov neeg nyob sab hauv tsev uas txwv tau, tsis pub muaj ntau dua 200 tus tib neeg, seb qhov twg yog qhov tsawg. Cov tswv cuab cov koom txoos/cov tuaj koom yuav tsum looj daim ntaub npog qhov ncauj qhov ntswg txhua lub sij hawm thiab hu nkauj rau lub koom txoos. Tsis pub hu nkauj ua tsheej pab, pab paj nruag, los sis ib pab pawg yeeb yam ua ke nyob rau thaum muab kev pab cuam. Tso cai cov ntaus suab nkauj los sis cov neeg hu nkauj ib leeg, thiab tej zaum cov neeg hu nkauj ib leeg uas cia hu ib zag nkauj. Cov kev pab cuam sab nraud yuav tsum ua raws Kev Taw Qhia Rau Kev Noj Mov Sab Nraud, tuaj yeem saib rau [qhov no](#), siv tau rau qhov chaw los sis lub chaw.
13. **Cov Kev Pab Cuam Rau Kev Ua Huaj Lwm** yuav tsum txib kom cov neeg ua hauj lwm los ua hauj lwm hauv tsev thaum ua tau thiab kaw cov chaw hauj lwm rau pej xeem yog tias ua tau. Txhua lub chaw hauj lwm uas tseem yuav tsum qhib ntawd yuav tsum muaj kev txwv mus nyob rau 25 feem pua ntawm cov neeg nyob sab hauv tsev uas txwv tau.
14. **Cov Kev Pab Cuam Rau Tus Kheej** txwv 25 feem pua ntawm cov neeg nyob sab hauv tsev uas txwv tau.
 - Cov chaw muab kev saib tu xyuas tus kheej suav nrog: tus kws kho mob ua kev zoo nkauj zoo nraug, kev kuaj ua kev zoo nkauj zoo nraug, kws tu plaub hau, kws txiav plaub hau, kws saib xyuas ntsej muag, kws tu ntsej muag, kws ua rau tes

rau taw, kws saib xyuas rau taw, cov neeg saib xyuas ntsej muag los ntawm kev siv tshuab hluav taws xob, tus kws pleev ib ce, lub tshuab ncu ib ce, thiab tus kws kos duab (tattoo) rau ib ce.

15. Cov Chaw Saib Xyuas Ncua Ntev: Tso cai kev tuaj cuag sab nraum zoov. Txwv cov kev mus ntsib sab hauv tsev, tab sis muaj kev zam rau cov neeg txhawb nqa tseem ceeb los sis tso cai rau kev saib xyuas thaum txoj sia yuav tu. Cov kev txwv no tseem txuas ntxiv rau cov chaw hauv Kev Tshaj Tawm Ntawm Tsoom Fwv (Proclamation) 20-74, et seq., suav Tag nrho lwm cov kev cai ntawm Proclamations 20-66, et seq., thiab 20-74, et seq., suav nrog tag nrho cov qauv ntsuas ua ntej tso cai rau ib tus neeg tuaj saib twg, uas tseem siv tau.

16. Cov Kev Ua Kib Las Ntawm Cov Neeg Hluas thiab Cov Neeg Laus: Txwv txhua yam kev ua ub ua no sab hauv tsev thiab txhua yam kev sib tw thiab kev ua si kees (game). Cov kev ua ub ua no sab nraum zoov tsuas yog tshwj rau pab pawg xyaum nkaus xwb, nrog rau kev npog qhov ncauj qhov ntswg rau txhua tus kws qhia kib las, cov neeg tuaj pab dawb thiab tub ntxhais kib las txhua lub sij hawm.